



**ЖАҚСЫ  
АДАМ -  
АДАЛДЫҚТЫҢ  
АЛТЫН ТАҒЫ**

4-бет



**«ДӘРІГЕР -  
АДАМДЫ,  
ЗАНГЕР -  
ҚОҒАМДЫ  
ЕМДЕЙДІ»**

5-бет



**Қазақ  
тілі**

**ӘРБІР ЗАң  
ҚАЗАҚ  
ТІЛІНДЕ  
ЖАЗЫЛУЫ  
ТИІС**

6-бет

# ЗАН газеті

ZANMEDIA.KZ

Қоғамдық-саяси, құқықтық газет

✉ zangazet@mail.ru

№13 (3544) 17 ақпан 2023



СӘТІ ТҮСКЕН СҮХБАТ

Мәлік Қенжалиев,  
ҚР Сот әкімшілігінің Батыс  
Қазақстан облысы бойынша  
департаментінің басшысы

«СОТ

**ӘКІМШІЛІГІ -  
ТӨРЕЛІК  
АЛАҢЫНЫң  
ТЫЛЫ»**

– Елімізде Сот әкімшілігі де-  
ген жаңа мемлекеттік құзырлы  
орган пайда болды. Осы мек-  
еменің облыстағы аймақтық  
департаментін басқарғаныңыз-  
ға алты айдан асты. Реформа  
аясында жаңырыған жаңа мек-  
еменің бағыт-бағдары, басты  
міндеті қандай?

– Былтыр шілде айында БҚО бо-  
йынша Соттар әкімшісінің басшысы қыз-  
метіне тағайындалды. Айта кетейін,  
Сот әкімшілігінің мақсат-міндеті – сот  
әкімшілігі саласындағы мемлекеттік  
саясатты әзірлеу және жетілдіру, сот  
терелігін толық және тзуелсіз іске асы-  
ру үшін судьяларға жағдай жасау, сот  
жүйесі мен сот қызметін жетілдіруге  
бағытталған жүйелі реформаларды  
әзірлеу. Жергілікті және басқа да сот-  
тардың қызметін үйімдік-құқықтық,  
акпараттық-тадамалық және матери-  
алдық-техникалық тұрғыдан қамтама-  
сыз ету де басты міндет. Міне, судьялар  
корпусының материалдық жағдайын  
жақсартудан бастап, құқықтық тұрғыда  
сот төрелігін дербес жүзеге асыру үшін  
іргелі жұмыстар атқаруымыз керек.

– Сот ғимараттарын жаңа-  
тил, жаңырытуға кіріскенізді  
БАҚ бетінен біліп отырмыз. Бул  
жұмыстар жалғасын таба ма?

– Соттар әкімшілігінен тағайындалған соң, облыстық сот  
төрағасымен және судьялармен кез-  
десіл, біраз мәселені талқыладық. Одан  
кейін кеп үзамай облыс орталығынан  
қашық орналасқан аудандарға аттанып  
кеттім. Аудандық соттардың ғимара-  
ты мен олардың жабдықталуы, тіпті,  
жиһаздарына дейін сын көтермейтін  
жағдайда екеніне көз жеткіздім. Басты  
 себептің бірі – облыс орталығында  
орналасқан аппараттың шалғайдары  
аудан орталықтарында орналасқан сот  
кенсерлерімен қарым-қатынасы төмен  
денгейде, мүлдем көніл бөлінбейтін  
анықталды.

ҚР Жоғарғы Соты департаментінің  
ықпал етуімен алғыс аудандардағы 14  
сот ғимаратына ағымдағы жөндеу жүр-  
гізілді.

(Соңы 3-бетте)

БҮГІНГІН БАС ТАҚЫРЫБЫ

## ҰЛТТЫҚ ҚОР ҰРПАҚ ҚАЖЕТИНЕ ЖАРАСА ИГІ



Ұлттық қордан бөлінген қаражат бақылауға алынбақ. Яғни, ескелен ұрпақ үшін жинақталып жатқан бүл қаржы егер трансферт ретінде бюджет тапшылығын жоюға тартылса, оның мақсатты, заңды және тиімді пайдаланылуы жіті назарда болады. Бүл шараны Қаражаттың жұмысалуын бақылау және мониторингі жөніндегі комиссия жүзеге асырады. Оның жұмыс органы – ҚР Жоғары есеп палатасы.

(Соңы 3-бетте)

ТӨТЕНШЕ ЖАҒДАЙ

## ҚҰТҚАРУШЫЛАР ЕЛМЕН БІРГЕ

Өзгелер үшін өз өмірін қауіпке  
тігу екінің бірінің қолынан келе  
бермейді. Десек те, қоғаммызыда  
құтқарушы мамандығын қалап,  
міндетін адалдықпен атқарып  
жүргендер аз емес. Осы ретте тө-  
тенше жағдайлар қызметінің ма-  
мандарын ерекше атауга болады.  
Олардың өз ісіне адалдығы тосын-  
нан келер табиги және техногендік  
сипаттағы апattарда халық қа-  
уіпсіздігін алдыңғы орынға шыга-  
руынан көрінеді. Мұны айтуымыз-  
ға Алматы облысы Жамбыл  
ауданының орталығы Ұзынагашта  
орналасқан Азаматтық қорғаныс  
жүйесіндегі Бауыржан Момышұлы  
атындағы 28237 әскери бөлім жұ-  
мысымен танысып қайтуымыз се-  
беп болып отыр.



Аталған әскери бөлімнің жүртшылық аузында  
«Бауыржаншылар» атаптың кетуі де заңдылық.  
Өйткені, олардың төтенше жағдайды жоу мен  
құтқару жұмысын жүргізудері ерлігі ерен. Осы  
бөлімнің жүзден аса әскери қызметшісінің  
әртүрлі дәрежедегі орден-медальмен мара-  
паптталуы да соның айғасы. Арыға бармай-ак,  
тәүелсізді жылдарындағы бөлімнің жеке  
құрамдағы еңбегін айтсақ, олар 1993 жылы  
Алматы қаласында тырысқақ індептін жоюға  
қарсы, сондай-ак, 1994 жылы Байқоңырдағы  
газ жарылысынан бес қабатты үйдің түрлінда-  
рын құтқару белсене атсалысты. Бұдан кейін  
Алакұ ауданында орналасқан Қазақ-Қытай  
шекарасында болған алапат өртті ауыз-  
дықтады. 1999 жылы ракета тасымалдаушы  
«Протон-3» апатының, 2003 жылы Жамбыл  
облысының Құлан ауылында болған жер сіл-  
кінісінің зардабын жоюға қатысты. Одан беріде  
Қызылағаш елді мекеніндегі тасқынында  
жергілікті тұрғындарды құтқарып, құні-тұні  
көмек көрсетті. Бұл әскери бөлім қызметкер-  
лері тарапынан атқарылған қыруар шаруаның  
бір парасы фана.

(Соңы 4-бетте)



БҮГІНГІНІҢ БАСТАҚЫРЫБЫ

# ҰЛТТЫҚ ҚОР ҰРПАҚ ҚАЖЕТИНЕ ЖАРАСА ИГІ

(Соңы. Басы 1-бетте)

Бүгінде әлемдегі күрделі экономикалық жағдайын Қазақстан экономикасына теріс әсер етуін ескере отырып, Ұлттық қор қаражатын ұтымды және тиімді пайдалану барысы аландытып тұрған жайы бар. Соңы өрнеше жылда бұл мәселе өзекті тақырыпқа айналды. Бұны Ұлттық қор активтерінің 2013 жылдан бастап, 2022 жылға дейін 70,7 млрдтан 55,7 млрд АҚШ долларына дейін төмендеу үрдісі айқатайды. Соңықтан ел Президенті Ұлттық қор ресурстарын тиімсіз жұмысайтады.

Бүгінгі таңда жаңа экономикалық бағыттың басымдықтарының бірі – ұлттық кірісті әділ бөлү. Бұл орайда әр отбасы елдің ұлттық байлығын пайдаланудан нақты пайда табу керек. Осы мақсатта ел Президенті жариялаған балалар жылы аясында жүргізілі жатқан мемлекеттік саясаттың логикасына және «Әділ Қазақстан» идеясына сәйкес келетін «Ұлттық қор – балаларға» деген бағдарлама түзуді тапсырыған болатын. Мәселенің әлеуметтік маңызы өте зор. Осы сейisenбіде Сенаттың Қаржы және бюджет комитеті ұйымдастырыған кездесуде Ұлттық қордан қаражатты пайдаланудың тиімділігі мен жаңа тәсілдері әңгіме

өзегіне айналды. Оған бұл процеске тікелей қытасытын мемлекеттік органдардың өкілдері шақырылды.

Жыныда баяндама жасаған Қаржы вице-министрі Дәурен Темірбековтың айтына қарағанда Қазақстан Республикасының 2030 жылға дейінгі мемлекеттік қаржыны басқару тұжырымдама-

біріншісі, Ұлттық қордан кепілді трансферт көлемін азайтуға бағытталған. Яғни, бұл мақсатта 2023 жылға – 2,2 трлн теңге, 2024 жылға – 2 трлн теңге және 2025 жылға – 1,9 трлн теңге сомасында қаржы тарту көзделді.

Республикалық бюджет шенберінде 2023–2025 жылдарға ар-

**Б**ала туған кезде Әділет министрлігінің, жеке тұлғалардың деректер базасы негізінде шоттар автомобатты тұрға ашилғады. Жыл сайын 1 қантарда 18 жасқа дейін шоттарға ақшалай қаражатты шартты тұрға есептегу жүргізіледі. Қаражатты мақсатты пайдалану үшін үәкілдемі операторларды айқындау ұсынылып отыр.

сайна сәйкес Ұлттық қор қаражатын тиімді пайдалану үшін мына мәселелерді шешу керек. Қор активтерін тұрақтандыру және оның одан әрі қысқаруына жол бермеу, тенгерімді бюджетті қамтамасыз ету және бюджеттің мұнай кірістеріне тәуелділігін төмendetу, шикізаттық емес тапшылықты азайту. Ұлттық қордың активтерін басқару тиімділігін арттыры. Сонымен қатар, бюджет кодексі бойынша екі контрикодик бюджет ережесін бекітілмек. Оның

налған кепілдендірілген трансферт кесімді баға бойынша мұнай секторындағы үйімдердан Ұлттық қорға түсетін түсімдер сомасынан аспайтын мөлшерде жоспарланған. Айта кету керек, Ұлттық қордан республикалық бюджеттеге кепілдендірілген трансферттің мүмкін болатын шекті көлемін есептегу үшін қолданылатын кесімді баға мұнай баррелінің 48,9 доллар деңгейіндегі бағамына тең.

Екінші ереже, республикалық

бюджет шығыстарының өсуін инфляцияның мақсатты көрсеткішіне ұлттық үзак мерзімді экономикалық өсу деңгейіне дейін шектеді және бюджет шығыстарының өсу қарғының тұрақтандыруға мүмкіндік береді.

Ал, «Балаларға арналған ұлттық қор» жобасы бойынша мына мәселелер белгілі болды. Ұлттық қордың инвестициялық кірісінің 50 пайызы 18 жасқа дейінгі барлық жастағы балаларға белгінеді. Белгілі бір үақыт кезеңдерінде инвестициялық кірістің ықтимал теріс мәндерін тенестіру үшін инвестиациялық кіріс нормасын алдынғы кезеңдердің орташа жылдық мәні негізінде анықтау жоспарлануда. Болжалды бағалулаурага сәйкес, бұл тәсіл осы бағдарламаға туғаннан бастап қытасытын балаға 150-160 АҚШ доллары көлемінде 18 жылдық төлем алуға мүмкіндік береді. Ақша Ұлттық қорда қалып, қаржы құралдарын салынады. Әлеуметтік жобаларды жүзеге асырудың көпжылдық тәжірибелі ескере отырып, жоба операторына «Бірлескен жинақтаушы зейнетакы қоры» АҚ тағайындалмақ.

Бала туған кезде Әділет министрлігінің жеке тұлғалардың деректер базасы негізінде шоттар автомобатты тұрға ашилды. Жыл сайын 1 қантарда 18 жасқа дейін шоттарға ақшалай қаражатты шартты тұрға есептегу жүргізіледі. Қаражатты мақсатты пайдалану үшін үәкілдемі операторларды айқындау ұсынылып отыр.

Шотта жинақталған қаражатты тек 18 жасқа толғандаға ғана пайдалануға болады. Жобаға қатысушылар Қазақстан азаматтары. Сондай-ақ, шоттардағы қаражат салықтан босатылады. 18 жасқа толған кезде шоттардан төлемдер АҚШ долларымен жүзеге асырылады. Осы жастан бастап қаражат баланың мешіті болады, ол қаражатты қалай пайдалану керектігін

(оқу үшін немесе тұрғын үй сатып алу үшін) дербес шешуі керек. Бұл ретте шетелдік оқу орнында оқу ақысын төлеуге қаражатты пайдалануға тыйым салынады. Тұрғын үй сатып алу үшін қаражатты тек Қазақстан аумағында пайдалануға рұқсат етіледі. Бұл қаражатқа сатып алынған тұрғын үйлерді қайта сатуға шектеу жок.

18 жасқа толмаған бала елден шығып, Қазақстан азаматтығын өзгерте, төлемді талап ету құқығы жоғалады. Онда қаражат барлық балалар арасында қайта бөлінеді. Егер 18 жасқа толмаған бала азаматтығын өзгертпей елден кетсе, төлемдерді талап ету құқығы сакталады. 18 жасқа толғанда шоттағы қаражат 5-10 жыл бойы сакталады. Егер қаражат 5-10 жыл ішінде талап етілмесе, шоттағы қаражатты зейнетакы шотына аудару ұсынылады. Азаматтық заңнамаға сәйкес нақты жинақталған қаражатты мұрагерлік жолмен беру мүмкіндігі қамтамасыз етілмек. Бала әрекеткесін болған жағдайда Қазақстан заңнамасында белгіленген тәртіппен ата-аналарға, қорғанышларға қаражатты пайдалануға беруге құбылды.

Жалпы, жобаны ұсынылған алгоритм бойынша іске қосын заңнамаға өзгерістер енгізумен қатар дайындық жұмыстарын жүргізу қажет. Осыған байланысты құзырлы орын мемлекеттік органдармен бірлесіп, Қазақстан заңнамасынан өзгерістер мен толықтырулар әзірледі. Түзетулер жоба шенберінде бағаларға төлемдердеге Ұлттық қор қаражатын пайдалану механизмін енгізу, осы соманды салық салынатын базадан алып тастау, бала қайтыс болған жағдайда мұрагерлік құқықтар, қамауға алынған қаражатты болдырмау, қалпына келтірудің алдын алу және басқа да болуы мүмкін шектеулерді қамтиды.

**А.ТҰРМАҒАНБЕТОВА,**  
**«Заң газеті»**

ПӘРМЕН

## ҚАРЖЫ ПИРАМИДАСЫН ҰЙЫМДАСТЫРУШЫЛАР ЖАЗАСЫЗ ҚАЛМАЙДЫ

Бас прокуратурының баспасөз қызметінің хабарлауынша, Алматыда «QI Trade Kazakhstan» (QaratInvest) қаржы пирамидасының 15 ұйымдастырушысы сottалды. Оның бас кеңесі Алматыда, ал өндірлерде 12 бөлімшесі жұмыс істеген.



Қаржы пирамидасына «AMAZON» (АҚШ) бүкіләлемдік алаңында сауда жасау деген атпен, сенімгерлік басқару негізінде салымшылар пайыз түрінде кіріс алу үшін ақша салып отырган. Оларға салым соғасына байланысты 96% жылдық пайда уәде етілген. Соның салдарынан 1345 азаматқа 6,3 млрд тенgedен астам шығын келтірілген. Алматы қаласы Бостандық аудандық сотының үкімімен қаржы пирамидасын ұйымдастырушыларға 6 жылдан 7 жылға дейін жаза тағайындалды. Сондай-ақ, қаржы пирамидасының халықаралық іздеуде жүрген жетекшілерінің бірі Польшадан экстрадицияланды. ҚР Бас прокуратурының өтінішін Польшаның

Әділет министрлігі қанағаттандырыды. Қазіргі уақытта Астанадағы уақытша ұсташа изоляторына қамалған ол қылмысы дәлелдене 5 жылдан 12 жылға дейін бас бостандығынан айырылуы мүмкін. Осы арада айта кететін тағы бір жәйт, ол Қазақстанда Польшадан экстрадицияланған алғаш адам болып отыр.

Мемлекет басшысы 2021 жылғы 1 қыркүйектегі жолдаудында: «Алаяқтықтың көбейіне байланысты азаматтардың наразылық білдіріу орынды. Бас прокуратура алаяқтыққа және қаржы пирамидаларына қарсы кешенді шаралар айралып болады» десе, араға тұра 1 жыл салып 2022 жылы: «Интернет және телефон арқылы

жасалатын алаяқтық әрекеттерге айрықша назар аудару керек. Құқық қорғау органдары мұндай қатерлерді анықтап, қылмысқерлерді құрықтау үшін ақпараттық саралтама жұмысын күшетуі қажет. Сондай-ақ, азаматтардың құқықтық және қаржылық сауатын жүйелі түрде арттырыған жөн» дегенді айтқан еді.

Бас прокуратурын 2022 жылға арналған алаяқтық және қаржы пирамидаларына қарсы іс-қымыл жөніндегі бірлескен іс-шаралар кешенине – құқық қорғау және үәкілдемі органдардың өзара іс-қымылдан күшету, қызметкерлердің біліктілігін арттыру, цифров қызметтердің әрекеттерін көздөндеу, нормативтік құжаттарды жетілдіру жөніндегі шаралар кірді. Соның нәтижесінде интернет-алаяқтықтың саны 4%, интернет жөлісі арқылы шагын неиселер беруге байланысты алаяқтықтардың саны 28%, қаржы пирамидаларын құру және басқару фактілері 27% төмendetу.

Мәселен, құқық қорғау, арнаулы мемлекеттік және өзге де органдардың ақпарат алмасу жүйесі әмбебап сервисі жобасын іске асыру кибералаяқтардың 10 қылмыстың тобын әшкереулеуға мүмкіндік берді. Ал интернет-алаяқтықтарды ашу және Қазақстандың Еуропа Кенесінің компьютерлік қылмыстар туралы конвенциясына қосылуы бойынша халықаралық ынтымақтастықты жандандыру жөніндегі шаралар шенберінде Украинаның Ұлттық полициясымен бірге телефон арқылы алаяқтық жасаған 32 адамнан тұратын халықаралық қылмыстың топ жойылды. Сондай-ақ, Бас прокуратурының Қаржылық мониторингі агенттігімен бірлескен әлеуетті қаржы пирамидаларын ерте анықтау төтігі де өз нәтижесін берді. Бұл бағыттағы жұмыстар аясында дивидендердің алу салытуымен 580 салымшының заңсыз тарту faktist бойынша «GAP» компаниясының басшылары қылмыстың жауаптылықтарының тартылды.

**Ерлік ЕРЖАНҰЛЫ,**  
**«Заң газеті»**

КӨКЖИЕК



## «ЖАЙЛЫ МЕКТЕП» БІЛІМ САПАСЫН АРТТЫРАДЫ

Қазақстанда орта білім сапасын көтеру мәселесі талайдан бері көтеріліп келеді. Осы ретте «Жайлы мектеп» бағдарламасы да қолға алынды. Мемлекеттік жоба аясында алдағы уақытта елдің барлық аймағында 400-ге жуық заманауи мектеп салынбағы. Мұны Оқу-агарту вице-министрі Шолпан Каринова мәлімдеді.

Атальыш бағдарламаны талқылау барысында бірінші орынбасар алдағы уақытта салынады деп жоспарланып отырган мектептердің құзыреттілігі жогары болатынын және мемлекеттік стандарттарда лайықталатынын және бұл республикалық деңгейде білім саласындағы игіліктердің шараларынан белек, онда берілетін білім сапасы да жаңа форматқа ойысады. Шолпан Каринованың айтуыша, бұл мектептердегі директордан бастап, қаралайым ұстаздарға дейін заманауи үздік білімге негізделген біліктілік бойынша жұмысқа қабылданады. Олар да арнайы курстардан өтіп, мектептердегі берілетін білім сапасынан алып отырады.

Жайлы мектептерде сыртқы бағалау жүйесінен енгізіледі. Алдағы уақыттарда елде мектептердің білім сапасынан алып отырады. Осыған сәйкес, сыртқы бағалау арқылы білім беру деңгейін зерттеп, министрлік кадрлық әлеуеттін дамыту ба



(Соңы. Басы 1-бетте)

Кейір түйткілді шешу үшін шүғыл шаралар қабылдауға тұра келді. Мәселен, 2022 жылдың 19 тамызындағы қатты жеден кейін Жәнібек аудандық соты ғимаратының шатыры мен құрал-жабдықтары пайдасыз болып қалды. Осыған байланысты жедел турде төтенше жағдай талағына сай облыс және аудан әкімдіктерінен қолдау-көмек сұрап, облыс әкімі апаратының басшысы Абат Шыныбековпен сөйлескенімізде, ол ғимараттың төбесін жөндеуге респубикалық бюджеттен ғана қаржы белгінетінін алға тартып көмек беруден бас тартты. Мәселенің мән-жайын түсіндіру үшін облыстың бұрынғы басшысы Фали Есқалиевтің қабылдауында болып, одан кейін ресми хат жолдасақ та, қолданыстағы бюджеттің заң талаптарына сілтеме жасап, сирьгыта жауап берумен шектелді.

Сонда бір ғана сұрақ түніндайды, табиғаттың тосын мінез танытуынан зардал шеккен мекемелерге облыс әкімшілігінің республикалық, болмаса жергілікті бюджетті желеу етіп ешкандағы көмек бермеуі қаншалықты дұрыс? Атаптан мән-жайды негіздей келе, жауын-шашын басталмай тұрып мәселені тез арада шешу үшін Жоғары Соттан



арналған жаңа ғимарат салу жоспарда бар, оған құрылым жобасына қажет құжаттамалар дайындалуда. Казталов ауданының әкімі Рустем Зұлқашев жер учаскесі белгіленген орынды көрсетіп, сот тарапынан қолдау тапты.

— Мәлік Сәбитұлы, қазіргі уақытта Казталов ауданының Жапактаул ауылындағы №2 сот пен Ақжайық ауданының Тайпак ауылындағы №2 сottың жабылатыны туралы мәселе көтеріп жатқанын білеміз. Альстарға ауыл-аймақ тұрғындары енді аудан орталығына сабылуға мәжбүр бола ма?

— Казталов ауданының №2 соты мен Ақжайық ауданының №2 сотының жабылатыны туралы Жоғары Соттан нұсқау келгені рас. Алайда, бұл сottардың жабылуы жергілікті халық үшін дұрыс еместігін, облыстық соттың төрағасы 2022 жылдың ақпан айында жаса, мен 2022 жылдың шілде, қазан айларында КР Жоғары Соты кеңесінің төрағасына, КР Жоғары Сот департаменттің басшысына, сонымен қатар, 2023 жылдың ақпан айында КР Сот әкімшілігінің басшысына өз ұсынысымды жолдадым. Одан бұл сottардың бұқара халық үшін манызы зор екенін ежегей-тегжейлі түсіндіріп, реесі хатта өз ойымызды білдірдік. Сондықтан,

**Мәлік КЕҢЖАЛИЕВ,**  
КР Сот әкімшілігінің Батыс Қазақстан облысы бойынша департаменттің басшысы

## «СОТ ӘКІМШІЛІГІ - ТӨРЕЛІК АЛАҢЫНЫҢ ТЫЛЫ»

көмек сұрап, сottың өз қаржатына ғимарат шатырын ауыстырып, жөндеу жұмысын аяқтады.

— Жергілікті әкімдік пен сот билігі арасында өзара түсініспеушілік бар секілді?

— Иә, жергілікті әкімшілікке сот құрылымы басқа мемлекеттін келген тәрізді, алайда облыс аумағында орналасқан барлық мемлекеттік органдардың бір фана міндепті, ол халқының қызығын шағын етіп, басқа бағыт болуға тиіс емес. Оқыс жағдай орын алғанда қарғайдың қос бұтағы секілді қарсы шықпай, өзара ымыраға келуіміз көрек еді. Қалалық, аудандық және оған тәнестірлік соттардың материялдық-техникалық жағдайына байланысты мәселе шаш-еттекен. Мысалы, облыс орталығынан 45 шақырым жерде орналасқан Бәйтерек аудандық соты еңсөл екі қабатты ғимаратта орналасқан. Ал ғимарат ішінен бас сұқсаныз, бөлмелерінің әбден тозыры жеткенін көресіл. Жергөлесе су кірген, жағымсыз іс мүмкін тұр.

Жақында Президент Жарлығымен А.Мәженова Бәйтерек аудандық сотына тәраға болып тағайындалды. Осы жұмыс сапарында аудан әкімшілігіне, судьялар мен сот қызметкерлеріне жаңа тәрағаны таныстырып, ғимаратты аралап, кездесулер өткізіп, жұмыс жоспарын белгіледі. Сол кезде аудан әкімі Марат Тоқжановтан сот ғимаратын жөндеуге көмектесін сұрап, ортақ келісімге келгендей болды.

— Білік үшін емес, бұқараға да оңтайлы болуы көрек қой.

— Әлбетте, сот үдерісін өткізу халық үшін тиімді болуы тиіс. Мысалы, Казталов аудандық сотының ғимаратының есі, бөлмелері тар, сотқа келген тұрғындарға ыңғайсыз, сот ғимаратында белгіленген заман талағына сай құрылғылар жоқтын қасы. Халықаралық стандартқа сай сот ғимаратының кіреберісінен-ақ адамдардың отыруына жағдай жасалуы тиіс. Сот процесінің қашан болатыны, кейіннеге шегерілген үақыты, сот үдерісінен қа-тысуышардың құқығы мен міндепті көрнекі жерде жазылып тұруы тиіс. Өткіншік қарай, аудандық соттарда осы қаралаптың стандарттара сақталған прокуратурасының жанынан үлкен жер төлімін белгінен айтты. Сот жүйесіндегі стандартқа сәйкес ғимарат қалай салынуы керектігіне байланысты ақыл-кенесімді, ұсынысымды ортаға салдым. Осы аудан орталығында мамыр айының ағындағы ғимарат құрылышы басталады деген үміттеміз. Одан білеқ, Казталов аудандық сотына

ғимараты салынбады. Себебі, елімізде қымбатшылық қүшейіп, жағдай күрт өзгеріп, бұдан екі жыл бұрын жақтаған жобалық-сметалық құжаттама пайда аспай, қайтадан 2023 жылдың талағына сай құрылыштың сметалық құнын нақтылау қажет болды. Осы құжат облыс әкімі Нариман Төреғалиұлы тарапынан қолдау тауып, қазіргі жағдайда атаптан жұмыстар іске асуда.

Өнір басшысы бүгінгі есеп-қисапқа сай сметалық құжаттамаға түзету енгізіді тапсырды. Аудан әкімі Нұрлыхек Даумов та жер актісін жасап, құрылыш жобасына қажет барлық құжатты пысықтағандарын, аудан прокуратурасының жанынан үлкен жер төлімін белгінен айтты. Сот жүйесіндегі стандартқа сәйкес ғимарат қалай салынуы керектігіне байланысты ақыл-кенесімді, ұсынысымды ортаға салдым. Осы аудан орталығында мамыр айының ағындағы ғимарат құрылышы басталады деген үміттеміз. Одан білеқ, Казталов аудандық сотына

сот саласындағы басшы құзырылы ор-ғандар, халықаралық сот әкімшілігінің талағына сүйене бермей, жергілікті халықтың жағдайын, тұрмыстық-әлеуметтік түткілдерін есепке алып, саралып қажет деген ойлаймын. Тағы да айта кетейін, бұрынғы әкім Фали Есқалиевке әріптестік тұрғыда екі аудандық сотты таратпау мәселе сімен айналысын сұрағанда, әкімдік тарапынан ешқандай қолдау болмады. Ал жаңадан тағайындалған облыс әкімі Нариман Төреғалиұлының қолдауымен бұл жұмыс қайтадан қолға алынып, қаралуда. Алайда, мәселе қалай шешілере бізге беймәлім.

— Сонда барлық қам-қаре-кет заң кетті ме? Түсінгенім, атаптан мекемелердің тағдыры әлі де қыл үстінде тұрғой?

— 2023 жылдың 14 қаңтарында облыс әкімі Нариман Төреғалиевтің қабылдауына жазылып, онір басшысына Жапактаул мен Тайпак ауылдарын-

**K**азіргі уақытта сот жүйесінде жүргізіліп жатқан реформалар соттың тәуелсіздігін қағаз жүзінде емес, нақты іс жүзінде іске асыруға мүмкінік береді деген ойданын. Судьяның істі қараша жұмысына араласуға тыным салынған. Тараптар сот ісіне қатысты шағымдануға құқылы. Заң дәріне бірдей!

— Судьялар мәртебесі тұра-лы айтсаңыз. Іс жүзінде олар дербес шешім шығара ала ма?

— Судьялардың тәуелсіздігі заңмен белгіленген, заң бойынша сотқа жолданған өтініштерді, арыздар мен шағымдарды басқа ешқандай құзырылы органдардың, лауазымың немесе өзге де адамдардың қаруына жазылып, қаралуда. Алайда, жаңа заңмен жауапкершілік белгіленген.

Алайда, судьялардың, халық арасында дау туғызынат кейір нақты істерді қару барысында, тараптар, әлі шешім қабылданбаған істер бойынша ақпарат құралдары арқылы «интернет» жүйесінде талқыра салып, өз ойларын алған ала білдіріп, ақ-қарасын өздерінің пайыдауы бойынша шешіп тастап, айқай-шу туғызып, судьяның занда шешім қабылдауына кедегі жа-сарап, жұмысына қысым көрсетіп, ақпарат құралдары арқылы өз ықпалын жүргізгісі келіп тұратын жағдайлар кездесіп тұрады. Сондықтан, қазіргі уақытта сот жүйесінде жүргізіліп жатқан реформалар соттың тәуелсіздігін қағаз жүзінде емес, нақты іс жүзінде іске асыруға мүмкіндік береді деген ойдамын. Судьяның істі қараша жұмысына араласуға тыным салынған. Тараптар сот ісіне қатысты шағымдануға құқылы. Заң бәріне бірдей!

Сұхбаттасқан  
Нұртай АЛТАЙҰЛЫ

ҚҰҚЫҚТЫҚ САУАТ

## «ДӘРІГЕР - АДАМДЫ, ЗАНГЕР - ҚОҒАМДЫ ЕМДЕЙДІ»

Ел аузындағы «Дәрігер – адамды, заңгер – қоғамды емдейді» деген сөздің заңгерлер қауымына артар жүгі ауыр. Сондықтан, олар өздері өмір сүріп отырган орта азаматтарының құқықтық білім-білігі мен мәдениетінің жоғары деңгейге жетуіне атсалысулары тиіс. Осы мақсатта жұртшылықта сот шығыстары, оның ішінде мемлекеттік баж туралы қысқаша түсіндіріп өтуді жөн көріп отырмыз.

Жалпы алғанда, сот шығыстары мемлекеттік баж бен өзге де шығындардан тұрады. Мемлекеттік баж түсінігіне келсек – бұл зандық мәнінде жақасаны немесе маңызды құжаттар бергені үшін төленетін міндепті төлем. Ол сотқа берілетін талап арыздар мен ерекше талаппен іс жүргізу, сот бүйірін шығару, атқару паракта-рын, олардын телнұсқаларын, көшірмелерін беру туралы, т.б. занмен айқындалған арыздар мен етініштерден алынады.

Мемлекеттік бажда міндептесумен қатар одан босату немесе төлеуді кейінге қалдыру мүмкін-дігі де занмен қарастырылған. Нақты айтқанда,

мемлекеттік бажды төлеудің тәртібі мен мөлшері, сондай-ак, оны төлеуден босату, қайтару негіз-дері Салық кодексінде көзделген тәртіpte жүзеге асырылады.

Мәселен, атаптан кодекстің 610-бабымен не-кені бұзы туралы талап арызға 0,3 айлық есептік көрсеткіш (АЕК) белгіленген. Биылды жылы бір АЕК – 3450 теңге болып бекітілді. Егер некені бұзы кезінде дүние-мулік беліненсе, онда мемлекеттік баж сомасы осы тармақтың 1) тармақшасына сайкес талап бағасымен анықталады.

Соттың шешімдері, үкімдері, үйғарымдары, өзге де қауыларының көшірмелері мен тел-

нұсқаларын, сонымен қатар, іске қатысатын тараптардың өтініші бойынша берілтін құжаттар көшірмелерін қайтадан беру туралы арыздар үшін әр құжатқа 0,1 АЕК, дайындалған әрбір бетке 0,03 АЕК альын көзделген. Мемлекеттік баж міндепті төлем, сондықтан, ол төленбеген жағдайда талап қою қарасызы қалдырылады. Әрі ол талап қоюшыға қайтарылады.

Азаматтық процестік кодекстің 104-бабында талап қою бағасының нормалары көрсетілген. Мысалы, оның мөлшері алимент өнірін бойынша талап арызда бір жыл ішіндегі төлем жиынтығына сай анықталады. Тұтынушы құқығын корғау туралы талап арызда мемлекеттік баж тиісті шешім қабылданған соң төленеді. Сот бұл жөнде шүйгарым шығарады. Шешім қабылданған кезде мемлекеттік баж төлеуге байланысты шығыстар шешім пайдасына шығарылған тарапқа жүктеледі.

Талап қою бағасын білу қандай да бір қыын-

дық тудырса мемлекеттік баж мөлшері алдын ала, яғни, істі сот талқылауына дайындау сатысында анықталады. Исті қараша қарысында талап қою талаптарының нормалары артуы мүмкін. Мұндай кезде іс үлгайлан талаптар белгілінде қаралады. Бұл үшін талап қоюшы мемлекеттік бажды сот белгілеген үақытта төлеп, тубіртегін ұсынуы тиіс.





БАҒДАР

# ТӘРТІПКЕ БАҒЫНГАН ҚҰЛ БОЛМАЙДЫ

Ислам діні тек қана намаз оқу, ораза ұстуа, қажылықты өтегу секілді парыздармен шектелмесе керек. Қасиетті мәтіндерден аздан хабары бар адам болса, Алла Тагала қоғамдық тәртіпке де мән берген. Басшыға бағыну туралы аяттар мен хадистер арқылы елде заңың болуын және қатаң түрде орындалуын талап етіп тұргандай. Себебі, тартіп, заң болмagan жерде бейберекетсіздіктің орын алатыны ақиқат.

Ислам дінінің қоғамдық қатынастарда баса назар аударар өзекті бір мәселеада адам және табигат қатынасы. Өзін мұсылман санаған әрбір адам табигатты аялай білу керек. Табигат – барша жаратылыстың өзара үйлесімділік тапқан ортақ үйі, жанға сая табар мекені. Елімізде көздің жауын алар, сұлулығы алтынға бергісіз көрікті жер көп-ақ. Біріміз ем іздел шипалы бұлак, көл іздесек, енді біріміз көкпен таласқан тауға шығып, көніліміз рахатқа бөленип, мәз бол жатамыз. Дегенмен, сондай көрікті жерлерді кейде отап, бірде өртеп, өзен-көлдің жағасына қоқыс тастап кететін көніл құлазытады. Ата-бабамыздан қалған «Бұлак көрсөн кезін аш», «Көкті жұлма», – деген нақыл сөз-

дерді қарегерге алмай жатқан сияқтымыз. Пайғамбар Мұхаммед (с.а.с.): «Тазалық – иманның жартысы», – деп мұсылмандарды таза болуға шақырды. Әрине, бұл арқылы тек жеке гигиеналық тазалықты айтпаса керекті. Коршаган ортаға деген сүйіспеншілік әрбір адамның өн бойында қалыптасады. Себебі, отанын сүйген адам тұған жерінің өзен-көлін, ну орманын таза ұстасы міндеп. Бұл арлы адамның ісі.

Осыдан бірнеше жыл бұрын шет бір мемлекетте халық көтеріліп, үкімет тарапынан егілген бірнеше мың ағаш көшетін жұлып, тып-типелі етті. Айтуларына қарағанда ағаш егу ислам дінінде жоқ. Алайда бізге жеткен хадис шәрифтерге қарар болсақ, ағаш егу

пайғамбар мақтаған ізгі амалдың бірі. Мәселен, Имам Бұхариңин жинағында мынадай хадис шәриф айттылады: «Егер де бір мұсылман көшет отырғызып немесе егін егіп, одан құс не адам немесе ҳайуан жесе, ол оған сауап», – деп айтады. Сондай-ақ, тағы бір хадис шәрифте: «Кімде-кімнің қолында құрма ағашының бір тал көшеті болса, қиямет күні басталып кетсе де отырғызып үлгерсін», – деп мұсылмандарға ағаш отырғызыуды үндейді. Сол себепті болар халықтың «Бір тал кессең он тал ек», «Атаңнан мал қалғанша, тал қалсын» дейтіні.

Ағаштар мен есімдіктердің ауа қабатындағы көмірқышыл газдарын өз бойына тартып оттегі бөлөтіні ғылымда белгілі жағдай. Бұл бізге осы дүниемізде жасалған жақсылық. Ал ағаш егудің ақыреттік болған адамға да жақсылығы бар екен. Құллі мұсылмандар иман етегін бір жағдай бар. Ол қабір әлемі. Кейбір мұсылмандар елдерінде қабір басына ағаш егу, гүл отырғызу дәстүрі қалыптасқан. Себебі, жазаға лайық болған адамның күнәлі істерінің кешірілуіне себеп болады. Алла Елшісінен (с.а.с.) жеткен хадис шәрифте былай дейді: Абдуллах ибн Аббастан жеткен риаят бойынша, Хазіреті Пайғамбарымыз бір зираттың қасынан өтіп бара жатып екі қабірдің көрсетіп, соң қабірде жатқан екі мәйіттің азап шегін жатқандығын сахабаларына айтады. Пайғамбарымыз: «Мына қабірдегі екі мәйіт не үшін азап шегін жатқанын білесіңдер ме?», – деп сұрағанда

сахабалары: «Алла және Оның Елшісі біледі», – десті. Сонда Хазіреті Пайғамбарымыз: «Бұл екеуі де үлкен күнәнің азабын шегіп жатқан жоқ. Бір кіші дәреттөн сақтанбайтын, екінші есек таситын. Бұлардың қиналып жатқандары әлгі екі әдettің азабы», – деп үн қатты да, бір жас шыбықты альып, екіге бөліп, екеуінің қабірінің басына егіп қойды. Сонынан: «Осы екі шыбық қурағанға дейін бұл екі адамның қабірдегі азабын жөнілдетеді», – деген екен.

Табигатты таза ұстасуға байланысты бірнеше жыл бұрын ҚР Президенті Қ.Тоқаев мәлімдеме жасай келе, мекет бағдарламасына экологиялық мәдениет пәнін енгізуі ұсынды. Бұл болашақ үрпақты табиғатты таза ұстасуға шақыратын бірден-бір насиҳат. Он сегіз мың ғаламға Пайғамбар болған Мұхаммед (с.а.с.) былай дейді: «Иман жетпіс неше немесе алпыс неше бұтақтан тұрады. Олардың ен азбалы «Ләэ Илоһа Иллаллах» дегендегі жоқ. Иманды адамда жүретін жолын қоқыстан тазарту да құлшылықтың бір белгілі екенін айтуда. Ал бұлай жасау коммуналдық қызметкерлердің ғана емес, әрбіріміздің қолымыздан келер іс.

**Қ.ҚОСМАХАНОВ,**  
**Түркістан облысы дін істері**  
**басқармасының «Дін мәселелерін**  
**зерттеу орталығы» КММ-нің**  
**теолог маманы**

КИЕ

## БІЛІМДІ ҮРПАҚ - ЕЛ ТІРЕГІ

Әр үлттың тарихы мен мәдениетіне, әсіресе, оның тұлғалану болмысына қарайтын болсак, халықтың үлт ретінде қалыптасуына, тарихи үақыттың сыйнынан сүрінбей өтүгіне ықпал етегін құндылығы оның ана тілінде. Алаш зиялыштары сол үшін «тілі мен тарихы жоғалған жүрттүй өзі де жоғалады» деп алаңдаған.

Бүгінде Қазақстан сала тұрғысынан жаңа сатыға көтерілді.

Білімді үрпақты ел тірегі ретінде қабылдады. Мемлекеттік тіл де өз тұтының үлтілігі, ері оның ажырағысыз бөлігі. Қандай да бір халықтың болмысы, өркениеттілігі, саналылығы, кең мағынасында сауаттылығы соның тіл мәдениетін, сол тілдің қолданыс ауқымдылығының кеңдігімен өлшеннеді. Қандай ел болмасын бостандық алғаннан соң ен бірінші мемлекеттік тілінің

мәселеін шешеді. Қазіргі әлемдік бәсеке жағдайында күшті үлттарға өз мұддесі үшін күрсесе алады. Кез келген салада өзге тілдің құрметтеге және өз мәдениетін сақтау үшін, мемлекеттік тілдің білу парыз.

**Альмира ЮМДАСОВА,**  
**Орал қалалық**  
**мамандандырылған төрлеу**  
**сотының жетекші маманы**

## ТАУСЫЛМАС БАЙЛЫҚ

Мемлекеттік тілдің абырайын асқақтап – әрбір қаңақтандықтың борышы. Тіл – таусылмайтын байлық. Қанша тіл білсөн, өзгеден сонша биіксің. Қазақ тілі етеге бай тіл. Ол – халқымыздың мәдени дәрежесін көтөруші пәрмендің құрал, жүртшылықты жаппай отанышын рухта тәрбиелудің қуатты қаруы. Ана тілі – ар өлшемі. Олай болса, тілді шұбарлау – арды шұбарлау, көніл тұнныбын лайлау.

Қазақстан әлемдегі бәсекеге қабілетті елу елдің қатарына енү үшін мемлекеттік тілін жоғары ұстасу тиіс. Фалым Ә.Хасенов: «Қоғамсыз тіл болмайды, тілі жоқ қоғамда – адамзаттың ешбір қауымы болмайды.

## ТАТУЛЫҚ ПЕН БІРЛІКТІҢ БАСТАУЫ

Тіл қай елде болсын – қастерлі, қасиетті, құдіретті. Тіл әрбір азатқа аса сүтімен беріліп қалыптасады. Ана сүтімен бойға енген қасиетті тұған тілінің арқасында дамиды. Тұған тілге деген құрмет пен сүйіспеншілік баса кезден басталуы көрек. Айналада адамдарға, өзінің есек ортаңа, Отанға деген ерекше сезім мен көзқарас та тұған тіліндегі білуден басталады. Қазақ тілі –

халқымыздың рухани байлығы, атадан балаға, үрпақтан-үрпаққа мираж болып қалып отырған баға жетпес асыл мұрасы. Қазақ тілі қаңақтарынан жаңа халықтың ана тілі.

Қазақстанда тұратын жүзден аса үлт өкілдері Қазақстанның халқын, соның ішінде қазақ халықтың тұрмысын-салтын, әдет-ғұрпышын, мәдениетін, әдебиетін, тілін біліп міндепті. Тілге деген құрмет –

халыққа деген құрмет. Тілсіз халықтың, елдің өмір сүруі мүмкін емес. Мемлекеттік тіл татулық пен бірліктің тірегі.

**Ә.ЖУНТАЕВА,**  
**Шахтинск қалалық әкімшілік**  
**қызық үзүүшіліктер**  
**жөніндегі мамандандырылған**  
**сотының бас маманы**  
БАТЫС ҚАЗАҚСТАН ОБЛЫСЫ

## ЖҮРЕКТИҢ ЕЛШІСІ

Тіл туралы жазудан ол туралы айтудан қашпауда, жаңалықпуда да көрек. Себебі, тіл бүкіл бір халықтың жүртшығы. Оның бойында үлттық болмыс, үлттық рух, дәстүр мен салт жатыр. Тіл – тәуелсіздіктің айғасы. Тіл мен емендік егіз үғым. Тәуелсіз Қазақстанның болашағы – біз. Демек, біздің міндегіміз – қазақ тілінің мәртебесін асыру. Өткіншікे қарай, соңын көзде көп-теген қазақ жастары өз ана тілін бұрмалап сөйлеуді

әдете әйналдыруған. Ана тілін құрметтеге деген ниет болса – талпының пен жігер, қызығушылық туады. Үлттың басты байлығы – тіл. Қазіргі қоғам басқа тілді үйренуге еш шек қоймайды. Дегенмен, қазақ тілін мемлекеттік тіл дәрежесінде әр қазақтың улесі болуы қажет.

**Тәнірберген КАФЕЗОВ,**  
**Батыс Қазақстан облысы Қылмыстық істер**  
**жөніндегі мамандандырылған ауданаралық**  
**сотының сот приставы**

## ЗАҢ газеті

Редакторлар кеңесінің төрағасы – директор

**Досымбек ӘТЕҒАЛИЕВ**

Бар редактор Айнур СЕМБАЕВА

Бас редактордың орынбасары Шолпан ҚАРАЕВА

Немірдің кезекші редакторы Ерлік КЕБЕКБАЙ

Меншік іесі:  
«ЗАҢ» МЕДИА-КОРПОРАЦІЯ

ЖАУАЛПЕРШІЛІГІ ШЕКТЕУЛІ СЕРІКТЕСТІГІ

**МЕНШІКІ ТІЛШІЛЕР:**  
Астана Айша Құрманғали 8 707 851 91 13.  
Алматы Нұрбол Әлдібаев 8 701 357 66 84.  
Ақтөбе Жансая Есмаганбетова 8 705 398 62 83.  
Атырау Боранбай Галиев 8 775 543 03 80.  
Мангистау Жазира Әбіл 8 702 514 54 44.  
Қызылорда Гулбана Макажан 8 701 697 39 86.  
Түркістан Сейітхан Құлмағанбетов 8 707 721 19 59.  
Шадыр Мекенбайұлы 87757335665  
Нұрлубек Рахманов 8 707 177 80 70.

**РЕДАКЦИЯНЫҢ МЕКЕНЖАЙЫ:**  
050012, Алматы қаласы, X.Досмұхамедұлы көшесі 68 «Б»-үй.  
Кабылдау белмесі: 292-43-43, 8 708 929 9874, zangazet.kz  
E-mail: zanreklamaastana@mail.ru  
«ЗАң газеті» аптасына 2 рет – сейсенді, жұма күндері жаңыр көреді.  
Жеке таралым 5515 дана  
Апталық таралым 11 054 дана  
Тапсырыс №25 Индекс 65921  
Газет Қазақстан Республикасы бойынша таралады

Газетіміздің электронды нұсқасын ZANMEDIA.KZ сайтынан оқы аласыздар.

Газет бетіндегі жариялымдардың позициясы мен фактілері үшін 8 жаңа жауп бермейді.

Жарнама мен хабарландырудардың мазмұнына жарнама беруші жауп берді. Жарнама мен хабарландырудардың жарнамалық жауп берді. Жарнама мен хабарландырудардың жарнамалық жауп берді.

Газеттің терімі мен бет қаттау жұмыстары «ЗАң» Медиа-корпорация» ЖШС компьютерлік орталығында жасалды. Алматы облысы, Іле ауданы, Әтебет батыс ауылы, Сейфуллин көшесі, 2-бірі, «Принт плюс» ЖШС базасында жасалып шығарылды. Тел.: факс. 8 (